




Broj: 01-02-1-1378/17

Sarajevo, 5.6.2017.

Parlamentarna skupština BiH

Kolegij Predstavničkog doma

Ustavnopravna komisija Predstavničkog doma



Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15 i 97/15), Zakonodavno-pravni sektor daje

### MIŠLJENJE

**o usklađenosti Prijedloga zakona o izmjeni Zakona o radu u institucijama Bosne i Hercegovine s članom 105. Poslovnika Predstavničkog doma i Jedinstvenim pravilima za izradu pravnih propisa u institucijama Bosne i Hercegovine**

Predsjedavajući Predstavničkog doma Parlamentarne skupštine BiH je, u skladu s odredbama člana 106. stav (1) Poslovnika Predstavničkog doma, aktom broj: 01-02-1-1378/17, od 31.5.2017., dostavio Prijedlog zakona o izmjeni Zakona o radu u institucijama Bosne i Hercegovine (u daljnjem tekstu: Prijedlog zakona) Zakonodavno-pravnom sektoru radi davanja mišljenja o usklađenosti Prijedloga zakona s članom 105. Poslovnika Predstavničkog doma i Jedinstvenim pravilima za izradu pravnih propisa u institucijama BiH.

Prijedlog zakona podnijela je poslanica Maja Gasal-Vražalica, u svojstvu ovlaštenog predlagača, u skladu s članom 104. stav (1) Poslovnika Predstavničkog doma.

#### **I. Usklađenost s odredbama Poslovnika Predstavničkog doma Parlamentarne skupštine BiH**

Tekst Prijedloga zakona podnesen je u pisanoj i elektronskoj formi, na jezicima u službenoj upotrebi u BiH, što je u skladu s članom 105. stav (1) Poslovnika Predstavničkog doma (u daljnjem tekstu: Poslovnik).

Uz Prijedlog zakona dostavljeno je obrazloženje koje sadrži elemente propisane članom 105. stav (3) tač. a), b), c) i d) Poslovnika:

1. ustavni osnov za usvajanje zakona,
2. razloge za donošenje zakona,
3. principe na kojima je prijedlog zakona zasnovan, te
4. procjenu finansijskih sredstava neophodnih za provođenje zakona.

U skladu s članom 105. stav (4) Poslovnika, mišljenje Direkcije za evropske integracije o usklađenosti Prijedloga zakona sa zakonodavstvom EU pribavlja Kolegij Doma.

U skladu s članom 105. stav (5) Poslovnika, uz Prijedlog zakona priložena je i odredba člana koja se mijenja, te vezija prečišćenog teksta Zakona.


S obzirom na navedeno, Prijedlog zakona *usklađen* je s članom 105. Poslovnika.

**II. Usklađenost s Jedinstvenim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14)**

Prijedlog zakona svojom strukturom, formom i stilom, odražava pravila izrade pravnih propisa, kako je i propisano Jedinstvenim pravilima za izradu pravnih propisa u institucijama Bosne i Hercegovine.

S obzirom na navedeno, Prijedlog zakona *usklađen* je s Jedinstvenim pravilima za izradu pravnih propisa u institucijama Bosne i Hercegovine.

Rukovoditeljica  
Zakonodavno-pravnog sektora

  
Mirjana Kutanjac

Dostaviti:

1. naslovu
2. a/a